

豫章叢書

第二五八冊

達觀樓遺

以者二種

劉達琛署

己未仲夏
刊於退廬

讀史記

劉逢源題



笑古近唐
書館校刻

達觀樓遺著二種總目

讀史雜記二卷

自做錄一卷

均据龍岡鄒氏家藏稿本

讀史雜記卷上

明 新昌 鄒維璉 著

封建受禪放伐死諫

人皇氏兄弟九人相厥山川分爲九區各居一方此非開國建侯之始乎則封建不始於五帝蜀山氏之國肇自人皇其后爲望帝號杜宇蜀嘗大水宇與居人避水長平山驚靈開峽治水人得陸處宇因禪位與之自居西山得道昇天此非揖遜之始乎則受禪不始於唐虞炎帝榆罔政衰有熊國君軒轅乃與戰於坂泉之野三戰而勝之諸侯遂尊軒轅爲天子此

非征誅之始乎則放伐非始於湯武按疏佗紀栗陸氏爲政傲慢自用其臣東里子諫而被殺炎帝之世諸侯風沙氏叛其臣箕文諫而被殺此非忠諫殺身之始乎則死諫非始於龍比

啟賢敬承

禹徂征有苗三旬苗民逆命禹班師誕敷文德七旬有苗格啟召六卿與有扈大戰於甘不勝六卿請伐之啟曰不可吾地非淺民非寡也今茲不勝是吾德薄而教不善也何以伐爲於是班師琴瑟不張鐘鼓勿考親親長長尊賢委能遂滅有扈啟之敬承禹道

此亦可見

空桑

世傳伊尹生空桑以爲誕異不知空桑地名也循蜚紀有空桑氏陳留縣南一十五里有空桑城卽其所都之地云

車制

車制至黃帝而大備非創於黃帝神農氏前有軒轅氏作於空桑之北見轉蓬而制車此車之始

良弼

良弼之資不獨武丁大風吹垢强弩驅羊風后力牧

已發黃帝之夢矣雖然用人之法此不可訓善乎章
山堂曰用人當如堯試舜

囚湯

綱目載桀四十二歲囚湯於夏臺五十二歲始殺關
龍逢囚湯者因其祝網得人和歸者四十餘國忌而
囚之也通鑑謂桀殺龍逢湯聞之嘆息使人哭之桀
囚湯未知孰是

齊魯

太公治齊尊賢而尚功周公治魯尊賢而親親俱善
治也然魯後衰弱果如太公所料齊後篡弑亦果如

周公所料然則聖人不能使其法之無敵乎天下有治人無治法也

天道

天道遠人道邇然天雖高聽則卑三日辟桑何損大戊鼎耳雖雉何傷武丁子產不禳火火不復作臧文仲不暴巫尪以救旱旱不爲害楚昭王不禁赤雲不祭河終不失國宋景公有君人之言三災惡果爲徒三度善乎妖不勝德之一言千古確論孟酒勸長星是謂棄天天旱意乾封是謂誣天

識微

平王之東遷也辛有適伊川見被髮而祭於野曰不及百年此其戎乎其禮先亡矣後秦晉果遷陸渾之戎於伊川齊使仲孫湫省魯難齊侯曰魯可取乎曰未可猶秉周禮周禮所以本也凡國將亡本必顛而後末從之識微之士每見幾先禮可爲國於茲益證

權勢

辛伯曰並后匹嫡兩政耦國禍之本也申無字曰五大不在邊五細不在廷親不在外驕不在內末大必折尾大不掉范睢曰木實繁者披其枝披其枝者傷其心大其都者危其國尊其臣者卑其主語俱同意

千古治亂往往不出此數語

讞獄

高祖入關之初約法三章後又詔讞疑獄其用情刑辟若此安得不與

戰守

兵有深入人境師老餉匱利在速戰而得接戰者戰必勝兵有貴守而不貴戰者戰必敗韓信擊趙李左車策陳餘曰臣聞千里餽糧士有饑色樵蘇而饑師不宿飽願假臣奇兵三萬從間道絕其輜重足下深溝高壘勿與戰彼進不得戰退不得還野無所掠不

十日而兩將之頭可致於麾下陳餘不從漢兵破之
斬陳餘楚救齊或謂龍且曰漢兵遠關窮戰其鋒不
可當不如深壁令齊王使其信臣招所亡城亡城聞
王在楚來救必反漢漢兵客居其勢無所得食可不
戰而降也龍且不從信急擊殺且劉璋遣將拒劉備
從事廣漢鄭度謂璋曰左將軍懸軍襲我野穀是資
不若盡驅巴西梓潼民內涪水以西倉廩野穀一皆
燒除高壘深溝請戰勿許不過百日彼將自走走而
擊之必擒矣劉璋不從遣將拒備皆敗降嗚呼司馬
仲達死守孔明忍恥受嘲其千古英雄乎向非孔明

之才勝仲達未必全師而歸矣

反間

田單能使騎劫代樂毅應侯能使趙括代廉頗郭開之譏人而李牧誅晉鄙之客之計行而信陵疑陳平以草具見項王之使者而亞父疏宋祖懸林仁肇畫像以見江南之使者而仁肇殺岳武穆遺蠟書以達兀朮而劉豫廢我太祖招趙普勝之門客以間陳友諒而普勝戮兵家善間者未有不勝爲人所間者未有不敗

兵法

荀卿論兵則曰要在拊民若子弟事父兄手臂捍頭
目而覆胸腹論將則以六術五權三至而歸成敗於
敬怠論軍制則曰將死鼓御死轡百吏死職士大夫
死行列順命爲上有功次之此皆兵家之勝算卽孫
武何能過其曰齊之技擊不可以遇魏之武卒魏之
武卒不可以遇秦之銳師秦之銳師不可以當桓文
之節制桓文之節制不可以敵湯武之仁義又曰仁
者愛人故惡人之害之也義者循理故惡人之亂之
也兵者所以禁暴除害也非爭奪也尤爲聖賢格言

楚子滅息

三女奔而密亡息媯美而息滅女色傾國信非虛語
魯禘

尹卒沃丁親臨葬以天子之禮祀以大牢魯禘之賜
或昉於此

好貨

隋以洛口資李密東都資世充唐承隋亂殷鑒未遠
乃明皇不悟而以左藏資祿山德宗又不悟而以瓊
林大盈資朱泚聚斂之主果何益乎

宰相

宰相係天下安危譬之屋有棟梁棟撓則屋崩理勢